

于山

第 二 卷	第 二 冊	號
歷 史 科 學	門	
日 本 史	部	
新 書	記	
全 部 第 二 卷	冊	
分 冊 第 二 冊	號	

210.48

門部  
正  
號

第 24 冊ノ内

a 1 3 8 0 3 2 3 6 9 1 a

T1 A1  
26  
A 58

青山延于著

重刻續皇朝史畧

製本所

文淵堂  
文敬堂

續皇朝史畧序

延于嘗著皇朝史畧故黃門

鼎山公賜以序且命刊行之及

編續史畧公又命刊行焉時

延于攷訂國史局務鞅掌未遑

進呈會公即世延于歸國解

職多暇乃攷訂舊稿實增補卒

業上起應永下迄慶長百八十  
年間治亂興廢存亡成敗之所  
係莫不悉錄蓋應仁已後干戈  
相踵諸侯相并攻伐無已降至  
天文英雄並起鬪智角力迭為  
雄長足利氏失政而織田氏興  
織田氏亡而豐臣氏興原其所

以興知其所以亡蓋其興也非  
有積德累仁之基恃其富彊之  
勢并弱暴寡詐力是尚窮兵黷  
武終至於亡唯我神祖東照  
公以聰明英武之姿起自叅河  
積德累仁卒能戡定禍亂統一  
天下尊

皇室懷諸侯興文學厚人倫其所  
以施設者莫非宣布德教維持  
人心而鞏固基業者斯其所以  
開數百年之太平德化愈久而  
愈盛也夫應仁以後

天子徒擁虛器國祚不絕如綫逮  
至慶長

聖祚中興我神祖所以扶翼

皇室其功可謂偉矣是書之絕筆  
于斯讀者可以知微意之所在  
焉嗟乎治亂有數雖曰天運抑  
亦人力也後之為人君者其可  
不思祖業之艱難而聿脩厥德  
哉長子延光奉先公遺志刻

諸家塾及刺成遂序以授之

天保辛卯冬十月

水藩青山延子謹撰



續皇朝史略卷之一

水府史臣青山延子著

男 延光校

稱光天皇諱實仁初諱躬仁後小松帝長子也母光範

門院續神皇正統記應永十八年為親王十九年八月

受禪時年十二紹運錄仍用應永号續正統記○是歲大將軍

源義持以細川滿元為管領尊卑分脉○二十年春正月朔

日有食之既薩戒記○初關東管領足利滿兼卒子持氏

嗣上杉氏憲秉權柄喜連川判鑑持氏為人暗劣無將師之

略將士頗不服湘山星移集○夏四月伊達大膳子松

犬丸與懸田定勝起兵陸奥據大佛城持氏遣白山滿

泰擊之相持數月城中糧竭松犬丸等棄城遁喜連川判鑑

○二十一年春正月丙子朔日有食之○三月熱田社

火皇代略記○冬十二月行即位禮於太政官廳歷代皇紀

○二十二年夏六月京師大風雨雪天寒如冬文正

略皇代略記○二十三年秋七月壬午御門鳥丸火延燒上皇

宮皇代略記○初上杉憲顯為鎌倉執事子孫世承推納憲

顯之姪朝宗亦補執權由是二族尤強盛川至持氏時

朝宗子氏憲相踵執權而憲顯之曾孫憲基與氏憲爭

權不相能而持氏陰右憲基氏憲常懷憤邑湘山星移集會

持氏以說越幡六郎邑氏憲為申理之不聽氏憲因

請罷職乃以憲基代之氏憲益不平持氏叔父滿隆嘗

子養持氏弟持仲氏憲因說滿隆廢持氏立持仲滿隆

大喜遂與謀叛氏憲陽稱疾不出潛集兵士滿隆移檄

諸國詔稱受京師令討持氏由是諸國將士響應冬十

月滿隆遂舉兵據室壽院氏憲將衆入襲持氏持氏方

醉卧本戶滿範聞亂遽入告之持氏驚起倉黃跨馬而

出後兵僅五百後間道走佐介與憲基合兵拒守氏憲

來攻因風縱火持氏敗走駿河依大森憲賴既而又依

國司今川範政番後鎌倉初持氏之走也憲基滿範等

不知其所在以謂奔于伊豆遂收散兵赴之州人狩野

介應氏憲率兵圍之滿範死之憲基遂走越後人草○

十一月榮仁親王薨家号有栖川崇光皇子也紹運○

十二月氏憲子憲盛憲盛本書及禪秀記並作憲方今後喜連川判鑑擁持仲

出略武藏州人江戸豐嶋二階堂等拒戰敗之憲盛引

還會今川範政乞援京師源義持命山名時熙時熙判鑑

討持仲範政將兵進屯三嶋○二十四年春正月滿隆

氏憲出屯武藏擊江戸豐嶋破之會範政軍至小田原

東兵望風景附氏憲窘迫還鎌倉與其子憲盛憲春快

尊氏春等自盡而死滿隆持仲亦自殺持氏還鎌倉復

以憲基為執事論功行賞封大森憲賴於小田原○夏

五月氏憲餘黨岩松治部大輔起兵上野舞本宮内丞

擊擒之送於鎌倉斬之瀧口○二十五年春正月大將

軍源義持殺弟義嗣初義滿鍾愛義嗣欲令義持讓職

累官至大納言大納言補任會義滿薨不得嗣職怏怏不樂

及氏憲精亂澄與之通謀既而事泄亡命為僧義持遣人索捕幽之於林光院至是殺之大草子亡命為僧按樸兼記○氏

憲餘黨在上總号本一揆屢請赦罪持氏不聽遂聚兵而叛夏五月持氏遣一色左近將監擊之未戰而潰去

判鑑○六月初後小松帝時筑紫商賈肥富帰自明陳兩

國通信之利於是義滿以肥富為使始通信書明生允

煥使僧天倫來終義滿之世聘使往來不絕善隣國至

是明主世祖也本書為太祖誤使其臣呂淵來請通好不許和漢合符

○冬十一月關白經嗣薨○十二月以右大臣藤原滿

教為關白公卿補仕○是歲義持以淡川義俊為鎮西探題

將軍執權次第○二十六年春正月上總本一揆又起足利持

氏遣木戸内匠助擊之三月戰于上總夏五月其將榛

谷重氏降斬之由比濱判鑑○六月高麗戰艦十三百餘

艘寇對馬九州兵與之戰敗秋七月又戰却之賊艦沒

海死者無算皇代畧記天北松元畱文正年代記○按諸書並作蒙古而僧裔英大日本傳作高

麗今○九月義持請罷内大臣聽之皇紀自七月至是月

關東大雨水○冬十月關東大風拔木發屋地大震判鑑

○十一月北山院崩皇紀是歲明使又來義持使僧西堂



諭之曰曩者我先君惑肥富之言猥通外國自後神人不和雨暘失序先君亦尋即世遺命誓諸神祇永絕外國之通問去歲既諭以此意今有使而至蓋前諭未達也又責以海鳴小民數侵邊圉是實我所不知也當命沿海之吏禁止之使者又請見義持辭曰夫隣國通好安邊利民非不欲也然而竄人所以不肯接使臣者抑亦有說焉先君得病卜之曰諸神降譴以故屢恭精禱神又憑人曰我國自古已未嘗稱臣外國比者違前聖之制受封爵而弗却所以致疾也於是先君大懼誓

於明神以無受外國使命使子孫固守遺命其後行人又至竄人未以前言論使臣故不得已而見之及使臣歸使僧堅中為諭此意不知未幾乎去歲使人又來亦使僧持特諭之使臣歸國胡不以此意達爾主乎往者元兵百萬來寇溺死海上豈直人力哉蓋亦神助矣今聞將以使命不通為辭用兵來伐使我高深城池我不要高城深池除道而待之而已來書又云使臣至國拘留殺戮聽其所為惡是何言也吾只愛彼此不待來各保封疆民至老死而不相知不亦可乎

善隣國  
室記

○閔東

大饑判鑑○二十七年春閏正月以左大臣藤原公俊為

太政大臣○三月公俊罷補任○秋九月義持疾或謂醫

高天為咒詛義持遣人捕繫之獄又收陰陽助定棟姓

冬十月義持流高天於讚岐康富記是歲旱琵琶湖淀河

涸文正年大饑米斗直千錢天地根○二十八年秋七

月義持罷管領細川滿元八月復以畠山滿家為管領

尊卑三代記○是歲旱飢疫餓草相望日載死屍棄之

堆積成丘畠記文正年代○二十九年秋七月後龜山

上皇崩于嵯峨薩成記日錄按和漢令有子曰小倉宮

諸門八月帝陸人小柴滿重木書作結城

及依防木岩似等諸族皆應之持氏遣一杉重方攻之

相持數月○冬閏十月佐竹常元叛持氏遣上杉房實

擊之常元父子走比企谷自殺○初上杉氏憲之死也

子憲秋教朝逃往京師事義持是歲米侵關東松沼津

三嶋多殺持氏部下而去判鑑○三十年春二月源義持

奏請罷征夷大將軍以子右近衛中將義重任之詔聽

之義持剃髮号道詮足利家傳○三月地屢震○夏五月足

利持氏自將擊小栗滿重滿重敗走

本書作敗死今從大皇子

持氏

旋師向宇都宮持綱亡走捕而斬之佐佐木桃井等亦

被虜斬

判鑑

初滿重之亡也走參河其子助重走相模適

有偷盜數輩利其囊橐謀殺之邀飲倡家使妓勸酒實

毒為有一妓知其謀密告之助重佯為飲酒獲之潛出

而逃時偷盜竊鞍馬踉蹌不能騎擊之林中助重善馭

遂騎走參河後過其地大賞妓女悉捕偷盜殺之

大草予助

重撰小栗文書

○秋八月持氏還鎌倉

判鑑

○冬十二月地震

文正年代記

○三十一年夏四月關白滿教罷以左大臣藤

原持基為關白

補任

○足利持氏憾義持釋憲秋教朝罪

寢成嫌隙義持遣僧昭西堂於鎌倉行成持氏不報秋

九月又遣昭西堂諭以黜憲秋教朝持氏意解遣使京

師謝之

判鑑花宮三代記

○是歲飢疫人多死

文正年代記

○三十

二年春二月上皇第二子小川宮薨上之母弟也以上

無子將立為儲嗣至是暴薨眾咸惜之未名追祔龍樹

寺宮○征夷大將軍源義量卒年十九○夏四月右近

衛權中將藤原實雅坐興宮人藤原氏姦褻官藤原氏

日野有光之女也祢大納言典侍為帝所寵實雅得罪

無證驗人以為冤薩戒記○以榮仁親王子貞茂為親王

初榮仁薨長子治仁居伏見殿亡何又薨無嗣弟貞成

紹封至是上皇欲修後圓融院之冥福親書佛經使諸

親王助書之貞成亦與焉及記名請上皇曰臣無官不

足記也上皇乃宣為親王椿葉記帝不憚遂憾上皇會帝

將召琵琶法師於宮中上皇止之帝大憤恚奉書上皇

將遜位義持入諫之薩戒記帝意未解上皇密諭貞成薙

髮椿葉記○閏月乙酉將軍塚鳴動○秋七月帝崩藤上

所生後二位藤原氏号曰光範門院○八月帝疾亟契

絕上皇與公卿議喪事及後嗣頃之帝復蘇○右近衛

中將源有定才書外關今擬補任家士金河式部詣關告宮女三

條咒詛帝帝大駭捕之鞠問不服三條為內侍所乃子

乃子女承小倉宮旨有禱於內侍所有司詰問獲其書

而非咒詛也廷議以式部欺罔朝廷互誅獨上皇以謂

南朝皇族潛蓄非冀互誅三條以絕覬覦薩戒記○甲斐

人武田信長叛持氏初上杉氏憲之乱武田信滿十葉

兼胤以其姻戚並據其封邑叛持氏持氏遣上杉憲宗

攻之兼胤出降信滿據都郡距戰踰歲不克而死焉

子信重興叔父信元亡命為僧匿于高野山至是信長

招集義故援西郡政逸見有直破之持氏遣上杉房實

政之屢戰不利信長信重之弟也

大章子房實撰判鑑

○冬十月

初上皇在位日久禁中庶務多復舊制及帝嗣位朝務

盡廢至是上皇與朝臣語及之歎息良久

薩戒記

○三十

三年夏六月持氏遣一色持宗擊信長不利持氏自將

擊之信長逆戰于猿橋會武藏七黨兵繼至信長遂敗

秋八月信長出降以歸鎌倉持氏欲以逸見有直為甲

州守護請之京師義持才允信元為守護任陸奥守

大章

三十四年秋八月河內上經毛龜

文正年代記

○初

赤松滿祐世為播磨美作備前守護其族持貞與於義

持義持遂以滿祐所領三州授之滿祐無故失封意甚

不平

本書不係年月今

滿祐遂火其第宅還播

磨義持怒欲討之諸將素惡持貞驕恣多黨滿祐為分

疏之義持不得已賜死持貞釋滿祐滿祐還京師雜髮

祿性具滿祐則祐之孫也

赤松系圖○撰文正年代記係三十五年誤也

○初

帝不豫禱於加茂石清水既而疾愈至是欲幸兩社賽

宿禰會有乱而止

權戒記椿葉記

○正長元年春正月前征夷

大將軍源義持薨年四十二贈太政大臣

足利家傳

初義持

以義量死無嗣而諸弟皆為僧約以持氏為嗣至是管

領畠山滿家等忌持氏難制更議所立依違不決詣石

清水社探籌遂奉僧義圓立之義圓還俗名義宣後更

義教持氏由是意懷不平遂與義教有隙

判鑑

○夏五月

持氏欲舉兵擊義教執事上杉憲實諫止之

建內記執事批判鑑

憲實憲基之子也

判鑑

○是歲義教罷管領畠山滿家復

以斯波義淳為管領

尊卑分脈

○帝久疾而無嗣

薩戒記

上皇

簡所立僧宗純奏曰彥仁王足續大統

休年

廼上和歌

有求嗣於伏見之語以寓其意

荒木氏所藏色紙

上皇意乃決

告之義教秋七月義教遣管領斯波義淳兵數百人於

伏見殿迎貞成親王子彥仁入宮

椿葉記

上皇養為子

記目初宗純母入上皇宮有姪既而遭讒出宮遂生宗

純於民家自以為僧才識絕人上皇屢召入宮進對稱

旨遂定皇嗣

一休年譜

○帝崩壽二十八在位十五年改元

者一日正長

如是院年代記

皇弟立是為後花園天皇

後花園天皇諱彥仁崇光帝之曾孫也母源氏子

後號敷政

門至是踐祚年十歲

如是院年代記

○八月伊勢國司北畠滿

雅反

孫葉記

初義滿之主和議也後龜山帝約以兩統迭

立

續正記

以故小倉宮常懷親覲欲乘先帝有疾作亂使

人詐稱鑰倉使紹滿雅曰我當與卿奉小倉宮奉兵滿

雅許諾既而事泄使者逃亡至是滿雅遂反義教令土

岐持頼討之

薩戒記持頼北畠系苗孫孫作冬土岐與安持頼稱世保五郎即此也

十二月持頼破滿雅斬之送首京師小倉宮來降赦居

嵯峨

孫葉記

滿雅親房之曾孫也源氏系苗○是歲義教以滋

川滿直為鎮西探題滿直義俊之從兄也源氏系苗○永享

元年春正月戊申朔停四方拜以帝尚幼也○是月播

磨賊徒峰起陷郡邑國中騷擾義教使守護赤松滿祐

就國討之

薩戒記

○三月源義教為征夷大將軍任權大

納言

足利家傳

○秋九月義教捕楠光正殺之光正稱五郎

左衛門削髮稱常泉潛匿南都會義教至南都光正欲

伺間狙擊至是被收臨刑從容作詩歌觀者歎惜有聞卿記

○冬十二月即位於太政官廳

孫葉記

○二年春三月多

武峰僧奪國人小川弘氏邑遂搆隙隙多武峰僧率大

衆攻弘氏義教命罷兵僧徒不奉命建內記○二年春三

月上皇薨髮孫葉記○秋七月高麗獻小人國人一

人於大將軍義教可長一尺五寸看聞御記○四年秋七月

以攝政持基為太政大臣源義教為內大臣○八月持

基羅攝政以左大臣藤原兼良攝政尋罷左大臣源義

教為左大臣○冬十月攝政兼良罷復以持基攝政公卿

補佐○十一月義教遣山名赤松等諸將攻多武峰永祿年代

記○是歲義教罷管領斯波義淳以細川持之為管領

尊卑義教遣使于明明主遣內官雷春等報聘善隣國室記

外史氏曰義持遵奉遺命絕明通聘諱義嚴正有足  
矜者也而義教又遣使通聘不啻負其父遺命寔失

國體其後義政效尤卑屈稱臣抑又甚焉

○五年春正月高麗來聘薩戒記○二月持基罷太政大

臣○三月罷持基攝政為閑白補任○夏六月延曆寺僧

徒奉日吉神輿入京義教令諸將禦之永祿年代記○秋八

月義教命大內持世擊太宰少貳名持世斬少貳父子

送首京師梟之六條河原文正年代記係四年今從東寺過去帳○彗星

見西方薩戒記○九月鎌倉地大震山崩地裂喜連川判鑑○

冬十月後小松法皇崩椿葉記○十二月義教出兵志賀

攻延曆寺文正年代記永祿年代記○六年春正月探題渡川滿直



及太宰少貳

名

戰于肥前敗死

系

○夏六月明主瞻

基遣使來聘

謹戒記看

贈銅錢三十萬緒於源義教看

神

○盜殺前中納言藤原義資義資事法皇用事院中

及帝即位坐事屏居至是遇害○冬十月延曆寺僧徒

奉日吉神輿入京師義教遣兵防之僧徒棄神輿於坂

本而去

○十二月地屢震

謹戒

○義教又攻延曆寺正文

年代

是歲義教遣使于明

善隣國

○七年春二月捕延

曆寺僧乘運以下數人斬之六條河原餘黨縱火中堂

自殺

正文

○八年信濃守護小笠原政康與村上安

藝守

本書作中務大輔今此薩戒記

爭封疆遂至相鬪

判鑑結城戰場記

義教

遣兵討村上

薩戒記文

持氏以村上屬關東乃將遣兵

援之執事上杉憲實諫曰守護將軍所置而欲擊之此

叛將軍也不納○九年春三月義教遣細川成之土岐

持賴一色義範武田信榮伊勢人長野等關名攻多武峰

永祿年代記土岐持賴以下諸將挾劫濁發心集

○夏六月持氏命上杉憲直

擊小笠原政康鑣倉流言持氏令憲直討憲實憲實家

兵聞之來集中外洶洶持氏乃往憲實家諭之令憲直

父子屏居藤沢又以一色直兼毀短憲實逐之時憲實

家臣大石憲重長尾景仲并貴寵用事持氏惡其構亂令黜之憲實不聽秋七月憲實潛遣子龜希於上野八月持氏又往憲實家慰諭之憲實復視事判鑑結城戰場記○

是月山名刑部少輔侵備後陷國府城守護兵攻刑部少輔斬之送首京師楠氏族起兵河內守護兵破斬之

薩飛

○冬十月行幸義教第留飲六日極歡而還略記○

十年夏五月初一色義範妻有姿色及義範于役妻居

堀川第至是義教遣人召之妻與中自殺義教恐義範聞之遽令武田信榮殺義範信榮乃給義範曰將軍有

所賜請來飲義範乃去衛從纔與親近十餘人至其官

聖定伏發義範自殺從上皆奪鬪而死土岐持賴素為

義教所忌令長野苗之長野將兵襲三輪營持賴身長

八尺臂力絕人振重鎧手太刀與壯士二十餘人闔門

衝湯擊斃勁兵九人長野兵披靡不進乃還營與從士

飲訣自盡而死義教分持賴後範領國賜參河於細川

成之伊勢丹後於一色義遠義遠本書卷一若狹於信

榮信榮之殺義範也被重創無何而死劫溺發心畧記

文正年代記永祿年代記並係十二年然是月大和人

是年平多武峰賊則本書為得實故不取

越智箸尾攻多武峰拔之文正年遂焚堂舍義教連歲

用兵大和至是始平永祿年○六月初持氏為義持所

子養已得重器文書及義教立怏怏不得志相山星至

是將加冠其子賢王曰天下無冠吾兒之人互循曩祖

義家之故事加冠於八幡祠上杉憲實諫曰互遣使京

師請名將府持氏不聽遂冠賢王於鶴岡社名曰義久

託慶冠禮徵兵諸國召還上杉憲直一色直兼鎌倉傳

言持氏謀因憲實入賀殺之憲實懼祿疾不出秋八月

長尾芳傳等主講和千葉胤直上杉持朝亦諫罷兵持

氏不納憲實歎曰我何罪欲必殺之唯自殺可以明志

耳乃抽刀欲自殺衆趣持奪之長尾實景大石重仲勸

憲實使就國且曰君欲死則死吾屬不徒死憲實久之

曰卿等苟如此死亦無益也寧不免遺臭於後世乎遂

奔上野

外史氏曰方上杉憲實之諫持氏也君臣之際嫌隙

稍生及其釁端已啓欲自殺以明其志何其烈也然

原其終始所為權謀詭計有不可掩者矣蓋其祿兵

抗君恐其臣之叛已陽為窘迫就死之態以激勵其

臣而已不然匹夫匹婦猶能引決憲實而不能死乎  
足以知其伏刃之非本志也此豈古人所謂欲蓋彌  
彰者歟

持氏兵要之於雷坂衆欲戰憲實不可持氏兵亦見憲  
實兵多不敢逼持氏遣一色直兼一色時家擊憲實自  
將兵出武藏陣高安寺留三浦時高守鎌倉義教奏請  
賜錦旗討持氏詔許之乃使上杉持房擁錦旗東征九  
月持房分兵為二一自菅根進大森憲賴扼險隘距戰  
破之一自足柄進入早川尻上杉憲直逆戰敗走旣而

憲賴兵亦敗持氏退還海老名持房進陣高麗寺持氏  
使水戶持季拒之三浦時高叛持氏棄鎌倉還三浦千  
葉胤直亦叛一色直兼等孤軍不能進亦引還海老名  
冬十月時高兵入焚鎌倉憲實出陣分倍十一月時高  
攻大藏義久奔扇谷持氏引還鎌倉遇長尾芳傳於葛  
原衆皆欲戰持氏使人謂之曰汝等世為我臣僕而負  
恩謀逆上天其無罰乎芳傳下馬跪曰臣等不敢為逆  
直欲除讒臣耳持氏曰吾當誅憲直等芳傳大喜俱往  
永安寺時高兵梗路芳傳叱之使解去持氏移居金沢

稱名寺剔髮曰道繼芳傳攻憲直直兼二人與其子相刺而死餘黨皆死持氏還永安寺持朝胤直防衛之憲

實遣使京師請省持氏

結城戰場記

○是歲權中納言藤原

雅世上新續古今和歌集二十卷延喜中勅紀貫之紀

友則等撰古今集自後歷朝天子世有勅撰至新續古

今集凡二十一部

拾芥

是為二十一代集

宣胤記

○十一

年春二月義教遣相國寺僧於關東命憲實殺持氏憲

實請令義久嚴職義教不聽

建內記

於是持朝胤直率兵

圍永安寺持氏及叔父滿定自殺從士皆鬪死

結城戰場記

義久自盡於憲實家年十一

東寺過去帳按刊

結城戰場記去年十一月義久

自殺於報國寺今從本書

○彗星見北方

建內記

○三月上杉憲實召

弟清方於越後嚴已職剔髮号長棟夏六月憲實詣長

春院拜持氏影垂泣曰臣無佗心天實鑑之乃挺刀刺

腹為其臣所持不果興而還家既而創愈遁藤沢

結城戰場

○夏六月初義教弟義昭為大覺寺僧正

諸門跡譜足利系圖

至是還俗更名義有出逃義教命伊勢國司比島持康

索捕之不獲

建內記還俗更名松薩戒記義有蓋義昭之訛也

○是歲朝鮮王

李禔遣使來聘

善隣國室記

○十二年春正月一色伊豫守

起兵今泉長尾憲景太田資光攻一色破走之舞木持  
廣應一色長尾芳傳誘殺之結城戰初持氏之死也其

二平春王安王逃二荒山鑑至是結城氏朝遣子光久

迎之聚兵據城又令野田右馬助據古河以為聲援上

杉清方遣武藏國司固廳鼻性順固廳鼻上杉之族也及長尾景

仲等攻之時上野諸將新田田中佐野等所在蜂起亦

應氏朝夏五月清方持朝將兵擊氏朝憲實還山內出

屯神奈川經略軍事○秋七月清方將諸國兵圍結城

城時東國諸將小山宇都宮里見桃井等與氏朝勦力

拒守清方乃穿重塹以絕甬道樹鹿角造井樓肉薄攻

之不能拔既而山川氏義出降氏義氏朝之弟也由是

士氣頗沮結城戰○嘉吉元年春三月義教聞義昭在

櫛間令嶋津忠國殺之文正年代記本書云載島津名今無忠國遣其

臣禰山名率兵嚴之義昭自殺諸門○夏四月戊申夜

有盜入春興殿竊內侍所鈴及官人衣服并鈴月花門

而去近歲偷盜屢入禁內而宿衛廢關不能捕獲曰命

諸門嚴警衛建內○上杉清方督諸軍攻結城城會暴

風火起煙燭漲空城兵驚擾諸軍乘之奮擊氏朝光久

及里見家基一色宇都宮桃井諸將皆死之春王安王

就執

結城戰  
場記

初持氏之死也春王弟永壽王年五歲瑞

泉寺僧昌在懷之而逃潛匿信濃依大井持光及氏朝

起兵持光送之結城至是亦被執

大草子

清方函送氏朝

已下首於京師梟之六條河原

結城戰  
場記

五月長尾因幡

守護送春王安王及永壽王至美濃垂井義教命殺春

王安王於金蓮寺春王年十三安王年十一獨永壽王

以幼得免

判鑑結城戰  
場記大草子

○六月赤松滿祐殺大將軍源

義教初赤松則村有功於尊氏子貞範則祐皆食大國

至義教時則祐孫滿祐威權尤盛而貞範族頗衰及貞

範曾孫貞村得寵義教義教以其嫡孫欲授以滿祐領

國以為前將軍舍嫡而寵庶甚無謂也遂賜書貞村授

以播備美三州滿祐子教康以告滿祐滿祐忿恚遂共

謀逆

應仁外記威權尤盛此戰場記  
教康本書作教祐今從系置

滿祐因稱病不出

會鑑倉平諸將襲義教於其家而廢焉教康亦請義

教許之己丑義教臨其第教康盛設雜樂伏介士數十

人於後閣宴酣發伏遂弑義教時變起倉卒眾皆錯愕

失措中納言藤原實雅及大内持世等拒戰被創山名

熙貴死之細川持之細川持常等皆逃去教康與父滿

祐火其第奔播磨建內記先是室町郎中有小人長二寸

許米集燕室群戲百狀為猿樂奏鵲羽衆就執之四散

不見人以為怪及義教遭弑適奏鵲羽蓋其逃也永享記

一色義範土岐持賴之見殺也天下以為冤義教夢

二人為祟至是臨水又見二人影心甚惡之翌而遭害

云初濁發義教子義勝在伊勢貞經家辛卯諸將議迎

義勝立之義勝生八歲矣○足利直冬孫為僧在播磨

赤松滿祐奉而立之更名義尊移檄諸國聚兵○秋七

月周防守護大內持世卒于京師滿祐之亂持世被創

病亟遺言我偷生至今日者欲殄逆賊也而今奄先朝

露何憾如之宜速發兵討賊吾死之後裹尸塵埋勿修

葬事也建內記持世無子以弟教為嗣永享○八月乙丑

勅管領細川持之討赤松滿祐薩成記細川持常赤松

貞村武田信賢進陣須磨明石山名持豐自大山口進

山名熙高山名教之率因幡伯耆兵繼之遂圍白旗城

急攻之城申糧盡不能距戰九月遂拔之斬滿祐傳首

京師教康逃去是役也細川持常為總督逗撓不進而

賣屋月



信賢貞村在後軍以故皆無功貞村已不能死難討賊

亦無功議者譏為義勝賞功賜播磨於持豐義作於熙

高備前於教之

嘉吉記應仁外記

閏月教康奔伊勢國司北畠

持康收誅之梟首六條河原

建內記赤松系畝如是院年代記

持豐自

平賊恃功專橫管領不能制

建內記

○京師盜賊群起稱

行德政使所借錢財并子女莫還所質衣物亦不得出

錢償縱火抄掠所在紛然

建內記畝略

諸國倣行於民乘

之作乱

文正年

○二年夏五月皇子成仁生

皇記

○秋七

月管領細川持之卒以畠山持國為管領

康富記按草

月今後

持國滿家之子也

畠山系畝

○九月多武峰大織冠

廟震動○冬十月帝患瘡醫下鄉視曰可針也而難犯

聖體朝議謂置針博士正為此也遂使下鄉進針疾果

愈賜沙金賞之○管領畠山持國置匭函府中受諸國

訴訟每月六次與評定衆判決之人以為便○十一月

以源義勝為征夷大將軍○三年夏五月高麗遣使求

聘管領畠山持國議謂高麗求聘課天下出賦役今將

軍幼冲未能視事不得課諸侯賦役互還其使大外記

清原業忠以為高麗通貢其來尚矣今還其使頗失事

體然上古遣使貢獻而近世托事聘使來為互市且其

牒狀殊乖舊典互檢索故事責其無禮却還之乃遣使

諭之使者曰為弔喪來非求互市也遂許來見六月使

者入京師見義勝○地大震康富○秋七月征夷大將

軍義勝卒足利家傳按家譜曰墜馬而死然贈左大臣

建內弟義政嗣立生八年矣初名義成後更今名系○

九月丙寅前大納言藤原有光反犯關帝避亂于左大

臣藤原房嗣第天地根元初有光為院執事及帝嗣

位得罪禁錮既而逃亡薩戒時南朝皇族為萬壽寺僧

稱金藏主有光擁立之是夜率兵入禁中縱火殺掠有

一賊揮着尖刀逼御座頸眩而仆帝因得逃幸房嗣

第賊徒取神璽寶劍而去遂據延曆寺移檄集兵戊辰

遣兵討之誅有光及金藏主賊徒棄寶劍於清水寺後

門僧徒獲而上之唯神璽為賊奪去續正統記天時

廷臣坐之見誅者甚眾文正年帝徙御伏見殿後徙東

洞院宮略記康○冬十二月始營宮文正年○是歲對

馬嶋主宗貞盛與朝鮮約互市和漢每歲遣船五十艘

若額外遣船謂之特送朝鮮歲給米豆二百石自是交

賈里月史卷之二

易不絕

海東諸國記

○文安元年春三月甲寅京師雨豆○

夏四月壬辰北野社火初西京商人與東京商人相訴

不勝遂結黨據北野社管領遣兵捕之商人縱火鬪死

殺傷交衆延燒西京○丙午地大震晝夜太白鎮星相

犯○六月彗星見○美濃守護土岐持益殺其守護代

戶嶋名關戶嶋徒募兵近江入美濃焚寺并殺土岐族四

人○秋七月近江守護六角氏家臣逐其主滿綱○八

月熊野社人奏南朝皇孫二人據紀伊北山集兵○冬

十月贈正四位下清原良賢從三位良賢為後光嚴後

圓融後小松三朝侍讀文學冠世至是特勅贈三位時

人榮之康富記○二年春正月六角滿綱與其家臣戰於

近江敗死東寺過帳○冬十一月関白持基薨以左大臣

藤原房嗣為関白補任○是歲義政罷管領畠山持國以

細川勝元代之尊卑分脉○初赤松滿祐之被誅也以叔父

滿則死節特宥其孫教政赤松氏之遺臣奉以為主謀

復播磨自前歲屢興山名戰至是教政竟敗死嘉吉記應仁外

記○三年春正月以前攝政兼良為太政大臣補仁○夏

近江大水流瀨田橋文正年○秋七月戶嶋與舟藤戰

于美濃死傷數百人東寺過○四年夏五月初富樫政

親今本書作龜幢九應族父安高爭加賀守護職屢相戰

細川勝元素助安高政親亦因畠山持國訴之至是分

司其國○六月關白房嗣罷以太政大臣兼良為關白

兼良以請托任之房嗣亦重去職不表辭時人譏之康

記○自德政之行其民群起作亂義政遣兵討之東寺

帳○冬十一月尊無品親王貞成曰太上天皇康富○

五年春正月先是畠山持國遣兵攻紀伊之北山斬將

圓胤圓胤初入圓滿院為僧正後返初服起兵至是傳

首京師持義數之關白兼良以為不可遣坂上明世大

石惟弘驗視其首康富記圓胤○三月尊所生準三后

源氏曰敷政門院略○夏四月敷政門院崩康富是歲

雨水人多溺死東寺過流五條瀬田二橋文正年○室

德元年春正月義政以持氏子成氏為鎌倉管領成氏

小名永壽王初持氏二子皆見誅獨成氏見拘至京師

居美濃守護土岐持益郎至京師以下越後守護上杉

房定與關東諸將議請立為關東主至是義政從之二

月成氏至關東房定輔翼之上杉憲實聞之不自安與

續皇明史卷之

其子二人往伊豆國清寺剃髮為僧巡行諸國

大草後

卒于周防

湘山星移集

憲實好學其在職也撫民愛士大得

人心其領邑上野足利有學校傳言小野篁之所創歲久衰廢憲實繕修之為置土田以養生徒又購書籍以充之以故生徒日盛當于戈騷擾之時藝文掃地而足利之學校獨著天下云

外史氏曰上杉憲實才略絕人向使持氏用之則其所為必有可觀者也惜乎持氏暗劣不能用其計遂使之激成亂憲實之叛雖出於窘迫不獲已之策

然其率兵據國何以免不臣之罪哉然其修黌舍興文學其功亦不可廢五代時馮道鏤板五經天下傳其功世之論憲實者不以人廢其功可也

義政使人物色憲實不獲其少子龍若尚幼在伊豆民家義政使其家臣長尾景仲輔之居鎌倉山內改名憲忠任右京亮嚴執事職時上杉頭房居扇谷太田資清輔之於是景仲資清頗擅威權時結城成朝望見義實並仕鎌倉為成氏所親近以其父皆為上杉氏所殺怨之遂構嫌隙云

大草

○夏四月庚申京師地大震屋宇

傾倒八幡山地裂

文正年代記

嵯我五大尊倒

康富記

○秋七

月若狹有老尼來居京師自言年八百歲遠近來集觀

者如堵墻

件錄

○八月造多武峯大織冠廟○是歲

義政罷管領細川勝元復以畠山持國為之

康富記

○源

義政拜征夷大將軍

足利家傳

○二年夏四月兼良羅太政

大臣

補任

○秋七月先是細川勝久殺修驗道士至是都

鄙道士所在群起據新熊野欲奉神輿入京政勝久都

下驛騷勝久誅殺道士者事稍平○八月丙子東方有

流星長可五丈光如晝○贈夢窓國師号曰佛統國師

康富記

是歲造四條橋

皇紀

○三年秋八月先是琉球商人

至兵庫守護細川勝元買物不與直商人訴之官至是

義政遣人按檢之令勝元還所買物○九月初尾張守

護則波義健逐守護代織田鄉廣義政納女謁欲復鄉

廣職義健不奉命義政母聞之諫義政義政不聽遂遣

嵯我畠山持國切諫義政從之義政母亦還室町第○

冬十月南都民作乱焚元興寺

康富記

是歲義政遣使于

明

國室記

○享德元年冬十月以前內大臣源清通為太

政大臣

補任

○奥州衣川有辨慶石傳言辨慶死石上甚

有靈異至是遣送京師

日什錄

○是歲義政罷管領畠山

持國復以細川勝元代之

尊卑分脉

○二年春二月太政大

臣清通罷

○夏四月關白兼良羅以右大臣藤原持通

代之

補任

○長尾景仲太田資清作亂於鎌倉賴足利成

氏成氏奔江嶋景仲資清追躡至由井濱千葉胤直小

田持家等擊破之景仲等退還糟谷憲忠素不與謀聞

之大驚亦逃七澤山時憲忠叔父重方別髮号道悅居

駿河來見成氏為分疏之成氏還鎌倉訴事京師義政

遣僧龍西堂和解之於是憲忠亦還鎌倉景仲資清皆

得見釋

人草

外史氏曰長尾景仲上杉氏之謀臣以智略見稱于

世然觀其佐憲忠叛成氏蓋其意欲令之行篡奪也

自是關東大亂既及數世夫戰國權謀之士唯譎詐

之務而不知大義斯亂之所以益長也若景仲者真

可謂傾危之士也

○三年秋七月關白持通罷以左大臣藤原方平為關

白

補任

○八月初畠山持國無子以弟持富為嗣

涼氏系舊細川

政元

後生子義就

康富記為義夏系舊云初名義夏

遂以為嗣

政元記

任

伊豫守

康富

持國以隅田佐渡傳義就其子右京亮專

權時神保遊佐以舊臣素執家政與隅田有隙遂樹私

黨欲立持富子政長為嗣家臣多結附之

初濁發細川

勝元素助政長政長竊出匿於勝元家山名持豐亦黨

政長政長從者皆去持國家匿於持豐家至是義就欲

攻政長為防戰備於是物議沸騰京師繹騷義政令諸

將率兵衛室町邸而勝元持豐不至庚子夜政長兵縱

火迫邑攻持國家持國避難從弟義忠家義就臣皆逃

散義就奔山名教之家教之不內遂投遊佐國助家

國助

伊賀

翌日火其宅奔伊賀

伊賀

持國移居建仁

寺西來院政長黨遣兵三百於西來院迎持國歸其第

勝元等請令政長嚴家義政許之然惡持豐勝元黨政

長以啓爭端勝元不自安託罪其臣磯貝斬之以謝○

冬十一月己酉義政將誅持豐召兵郎中勝元固請者

之持豐亦上書謝罪於是令持豐退居但馬

康富記但馬

記按長祿記持國義政長為嗣後生義就而廢政長然

如濁發心畧記應仁外記並以政長為義就弟且按本

書室德二年持國以義就為嗣尋任伊豫守而政長為

持國嗣在是歲相後五年政長時年十三據此長祿記

說謬故細川成之素與赤松氏善至是滿祐弟祐之及

不取



子則尚因成之請赦義政從之祐之遂起兵播磨據壇

德山

應仁外記祐之則尚  
批嘉吉記及系置

○甲辰足利成氏殺其執事

上杉憲忠

康昌記  
大草子

初成氏已收長尾景仲等采邑憲忠

固請不聽憲忠家臣奪神祠佛寺封戶分與部下由是

郡邑怨訴不已成氏命憲忠制止之憲忠不肯上杉道

朝長尾昌賢等密往上野又謀舉兵結城成朝里見義

實勸成氏先其未發誅之至是成氏遣成朝義實及武

田信長等嚴憲忠于西門第殺之翌日又遣兵圍山内

縱火攻之山内兵皆潰走長尾昌賢與越後守護上杉

定昌謀以憲忠弟房顯為將招集關東兵訴成氏之罪

於京師成氏亦遣使告之義政怒成氏肆殺憲忠命討

之

大草

○是歲京師盜賊蜂起白晝橫行劫掠市廛其

黨各以隱語為号曰止湯曰合沫曰錢湯錢湯者各私

其所竊合沫者各分其所竊止湯者以其所竊與賊魁

也民皆苦之

日件  
錄

時頗歲凶荒兵革屢動民方困窮

正文

年代而將士驕僭衣服無制雖賈豎販夫著綬羅衣紅

紫天下奢侈之俗極矣

續正  
統記

○康正元年春正月成氏

討憲忠餘黨至武藏與上杉憲秋上杉顯房戰于分陪

憲秋等敗走追斬憲秋於池龜頭房於夜瀨大草子判鑑

杉房頭叔合散卒保常陸小栗城大草子○三月島山持

國卒系夏四月成氏進至結城遣兵擊破房頭房頭

走下野下野守宇都宮等細搦城拒守成氏又攻破之

等細走白河敵兵望風降附聲勢大振大草子○山名持

豐將兵入播磨攻壇德山不克會子曼豐在室山為赤

松則尚所圍乃往救之則尚兵解圍而逃壇德兵聞之

亦潰則尚走備前自殺祐之走伊勢國司不内亦自殺

由是持豐威震天下遂入京師義政釋而不問應仁外記嘉吉

訓○六月義政令駿河守護今川範忠討成氏成氏距

戰敗績遂走古河範忠兵縱火焚鎌倉邸第府庫及名

社古剎焚蕩無遺矣是後關東大亂諸將各據郡邑迭

相攻伐大草子○關白房平罷持通復代之前内大臣藤

原公名為太政大臣補○持國之死也島山義忠請召

還義就義政許之

外火氏曰島山持國既立其弟為嗣而又立其子此

啓爭端者持國也義政反裁其是非曲直以正典刑

而依違鵬突苟從其請以成其私心此啓亂階者義

政也請嘗論之夫持鬪既襲本宗則承嫡統者政長也而持國舍嫡而立庶義政之從其請固非也方義就之走也義政使政長襲本宗既而又召還義就此非啓亂欵且觀其終始所為黜陟出於喜怒昇沈係於呼吸是非貿亂皇白顛倒使天下之人不知所適從自後立義視而又欲立其子竟致應仁之亂宜其義就遂還京師劫濁發心畧記本書不係年今按文正年代記於是政長不得在京師遂出奔大和秋八月義就將兵赴大和康富記按長祿內記云政長奔河自是義就日被親近其家與義忠東西

相對義政春時遊二人家飲燕極歡一日過義忠家義忠子次郎年纔十歲侍宴而歌音節甚妙義政歎賞翌日義政夫人藤原氏亦來極歡義就以為義忠將軍之所重互乞其子為嗣賴以固寵遂以次郎為嗣名義豐劫濁發心畧記義豐與系裔○二年秋七月宮成自東洞院徙御為皇年代畧記續正統記○八月太上法皇崩祓後崇光院皇細法皇

初為親王為稱光帝所忌遂薙髮祓道欽嘗著椿葉記錄崇光以後至上即位皇室喪亂之事以明天命之有歸椿葉記世以為實錄○冬十二月初斯波義健早世無

子以其族大野義饒子義敏為嗣源氏系屬應仁外記時義敏年

十六其家臣甲斐某專權義敏欲繩之以法由是君臣

有隙至是義敏退居東山陳訃其事劫濁發心器記○是歲義

政遣使朝鮮修鄰好善隣國○長祿元年夏六月義政

以波川義鏡為關東探題義鏡義俊之子也義俊子初

成氏走古河武藏相摸及上總下總將士多屬之各據

其城邑不從京師令初義鏡曾祖本書作祖今從系屬義行任武

藏守城藤邑居焉至義鏡世嚴封邑為士人所畏服以

故義政委義鏡以鎮撫之職使諸將受其節度以上杉

房顯為管領以討成氏於是上杉持朝成河越太田資

清城巖付太田資長城江戸大寺資長資清之子也少

好學善韜略撫范無盡藏結城熊場記附錄○秋七月太政大臣公名

顯補任○成氏城古河月鴻巢徙居焉○冬十二月波川

義鏡與諸將議曰關東不置主帥無所受令不如奉將

軍子以為主帥諸將以為然請之於京師義政乃以弟

政知為關東公當時稱將軍為公方政知初為僧在天龍寺至

是命返初服以鎌倉數經兵變將府為墟且無險要營

館舍於伊豆堀越以居焉大草○初赤松氏遺臣石見

某事前內府藤原實量每稱赤松氏之功歎其絕祀實

量曰何以贖殺逆之罪石見曰神璽今在吉野願取以

奉之實量為奏之帝許之應仁外記乃使同志之士上月滿

吉中村貞友等四十餘人佯降吉野至是滿吉等殺二

皇子於吉野山中二皇子南朝之裔而不詳其世次也

據北山一據河野至是悉平上月○二年春二月義

政使斯波義敏自東山還居京師家臣益樹黨相軋義

政以其子松王嚴封義敏遂而奔依大內教弘蜀發心畧記

斯波氏臣甲斐朝倉等請以淡川義廉襲其封文正年代記

○秋七月以關白持通為太政大臣大將軍源義政為

內大臣職皆如故補任○八月赤松氏遺臣獲神璽於吉

野獻之帝下詔赦赤松政則仁外記政則年纔五歲

初滿祐之死也其弟義雅見擒仁外記○系畧太興其

子為僧曰性尊政則即其子也系畧義政分加賀備前伊

勢數縣與之上月記○冬十二月關白持通罷左大臣

藤原教房代之補任○三年夏六月己巳兩日皇年並見代畧

○赤松政則家臣入備前山名教之守兵拒之不納

義政下令受代李瓊日錄持豐素怒政則遣赦計出石見及

都人聚觀幸若舞於藤原實量家覬石見歸使人殺之

於路應仁外記○冬十月政則家臣又入加賀守護富樫政

親兵與之拒戰義政令詰政則家臣對以彼來擊不得

已應今日季瓊○寬正元年春正月己卯朔兩日並出大草

子○二月地大震時比年水旱加以兵革天下凶荒道

殣相望而義政大堂第宅窮極雅麗令四方輦致奇樹

巨石民疲其役帝聞而憂之賦詩賜義政曰殘民爭採

首陽薇處處開爐鎖竹扉詩興吟酸春二月滿城紅綠

為誰肥義政為之罷役天地歷代○三月捕捕氏族

在吉野者悉殺之四塚李瓊日錄○夏六月大旱自三月不

雨至是月如長院年代記○太政大臣行通罷補○秋七月乙

亥朔日有食之長祿四年記○八月以內大臣源義

政為左大臣征夷職如故補○六月初義政課諸將致

花木植之園中而義就所致遠枯義政素信淳屠時方

禁殺而義就放鷹義政聞之大怒逐義就初蜀發義就

遂赴河內保岩江城義政使政長討之政長進屯龍田

長祿正記○閏月有貼畫圖於管領門者畫一鐵輪去

其二足唯存一足在棋枰之上蓋其意謂斯波畠山細

川世補管領林為三職猶鐵輪之有三足今二家已亡

次當及細川也世謂樸枰曰基榮允輪直者當其次曰

御番棋槃御番國音相通故也日件○冬十月己卯地

大震長祿四年記○義就嚴政長於龍田政長逆戰大破之

義就走保藏山更城為帽子像國見山寬弘金胎觀真

觀正四寺以為防禦備政長進六河內十二月北弘川

與義就相持長祿記長祿寬正記是歲大飢餓莩盈路京師為叢

塚數十所以瘞埋之如是院年代記○二年春正月政長與義

就兵戰太子河原殺傷相當政長與義就對壘數月夏

六月義就部曲須屋正興等六十餘人請義就曰敵欲

持久以疲我臣等請乘夜嚴其不備義就許之長興曰

臣等不復生還願主公為眾舉觴義就乃勸飲眾咸奮

躍而出馳至弘川營縱火攻之官兵倉黃出戰神保丹

下草賀等勇悍之士三十餘人皆戰死政長整陣徐進

擊長興等大敗之長興等戰死斬獲百餘人傳首京師

○三年夏四月義政命畿內及紀伊伊勢備前安藝等

諸將討義就時義就分兵守藏山及金胎寺及眾軍來

攻棄金胎寺獨保藏山長祿記長祿寬正記○秋九月京師人蓮

田兵衛作乱據七條佛寺義政命京極武田赤松等諸

將討平之○是歲伊豫守護河野通春叛義政遣大内

教弘討之教弘病卒于軍長祿寬正記○四年夏四月閔白

教房罷補任○政長攻嶽山拔之義就奔紀伊政長引兵

追及於粉川又擊敗之義就走匿吉野政長告捷京師

義政命旋師政長乃置戍兵守紀州諸城冬十月遂凱

旋長祿寬正記○是歲僧等揚還自明等揚抄丹華若水集等揚備

中人按山縣孝孺雪舟傳云備中赤濱人雪舟畫書備陽雪舟故從之号雪舟又稱揚

知賓初為相國寺僧通禪學又善丹青寬正二年乘海

舶適明英宗天順五年為四明天童寺禪班第一座明主召畫

禮部院之壁以是著名居三年至是始歸國畫法益進

居筑紫後遊歷四方飄然有塵外之操其作畫也先飲

綠醪半盞吹尺八教聲或唱詩歌箕踞盤礴而後揮毫

及成氣韻生動意溢筆外妙絕天成人莫能測知為評

者以為神品云梅花無盡藏○五年夏四月義政構看棚於

紀河原觀猿樂三日細川勝元畠山政長斯波義廉各

司供億費用不貲糾河原猿樂記○秋七月庚午帝禪位成仁

親王在位三十六年紹運錄改元者八曰永享嘉吉文安



宣德亨德康正長祿寬正文明二年十二月崩皇紀壽五

十二謚後文德帝後稱後花園帝續正統記成仁親王立曼

為後土御門天皇

續皇朝史略卷之一終